

元和郡縣志卷二十一

唐 李吉甫 撰

河北道二

恒州 常山大都督府

開元戶四萬二千六百九十四 鄉八十七  
元和戶一萬七千五百八十 鄉七十

今為恒冀節度使理所 管恒州冀州深州趙州德  
州棣州 管縣四十四

都管戶六萬二千六百四

禹貢冀州之域周為并州地春秋時屬鮮虞國戰國時屬趙秦兼天下為鉅鹿郡之地漢三年韓信東下井陘

元和郡縣志

卷三

擊破陳餘趙王歇以鉅鹿之北境置恒山郡因恒山為名後避文帝諱改曰常山兩漢恒山太守皆理于元氏晉理于真定即今常山故城是也後魏道武帝登恒山郡城北望安樂壘嘉其美名遂移郡理之即今州理是也周武帝于此置恒州隋煬帝大業九年罷州以管縣屬高陽郡武德元年重置為恒州三年陷賊四年討平竇建德仍舊焉

州境 東西二百一十里  
南北二百七十里

八 西南至上都一千九百九十里  
西取太原路至上都一千七百六十里

西南至東都一千一百三十里  
東北至定州一百二十里  
東南至橐城縣六十里從橐城北至定州一百二十里

東南至深州一百八十里  
西取井陘路至太原府五百里  
西北取五臺山路至代州五百三十里

貢賦 開元貢羅  
賦 綿絹

管縣十

真定 橐城 九門 靈壽 行唐 井陘

獲鹿 石邑 房山 鼓城

真定縣 望郭下

元和郡縣志 卷三

二

本名東垣屬中山國以河東有垣縣故此加東字高帝十一年代相陳豨反帝自攻拔之改曰真定屬恒山郡武帝改為真定國後漢復為縣屬常山郡後燕慕容垂都之後徙理盧奴隋開皇三年真定縣改屬恒州皇朝因之

滋水北去縣三十里

滹沱河南去縣一里

故權城即古之犍鄉也縣北二十里後漢建武元年賈復破青犢于射犬追戰于真定之犍鄉大破之即此地

也

橐城縣

緊西北至州五十八里

本漢舊縣元鼎四年置屬真定國後漢改屬鉅鹿郡晉省後魏重置高齊改為高城縣隋開皇十八年復為橐城縣武德初屬廉州貞觀二年改屬恒州

肥累故城縣西南七里春秋時肥子國白狄別種也

滹沱水去縣二十九里

九門縣 上西至州三十里

本戰國時趙邑漢于此置九門縣屬常山郡高齊省隋

元和郡縣志

卷三

三

開皇六年重置義旗初于此置九門郡後廢以縣屬恒州

滹沱水在縣西九十里

案前真定縣滹沱河去縣一里則去州治亦一里此九門縣既

云西至州三十里而滹沱水乃云在縣西九十里必有誤

滋水北去縣二十三里

靈壽縣

中東至州八十五里

本中山國都也按中山武公本周同姓其後桓公不恤國政後樂羊為魏將拔中山封之靈壽漢于此置靈壽縣屬常山郡後漢屬常山國隋開皇三年改屬恒州武

德五年屬并州七年改屬恒州

滹沱水在縣西南二十里

行唐縣 上南至州七十里

本趙南行唐邑惠文王初置漢因為縣屬恒山郡後魏去南字為行唐縣隋開皇三年改屬恒州皇朝因之

玉女山縣北三十六里

滋水去縣南二十六里

井陘縣 中東南至州九十里

六國時趙地秦始皇十八年王翦興兵攻趙下井陘漢

元和郡縣志

卷三十一

四

三年韓信張耳東下井陘擒成安君即此地也陘山在縣東南八十里四面高中央下如井故曰井陘漢屬常山郡隋開皇十六年于縣置并州大業二年廢縣屬恒州武德元年重立并州貞觀十七年廢縣又屬恒州綿蔓水在縣西南八十里韓信擊趙使萬人先行背水為陣信曰陷之死地而後生謂此水也

獲鹿縣 中東北至州五十里

本漢石邑縣地屬常山郡隋開皇十六年于此置鹿泉縣以鹿泉在漢縣南因為名屬并州大業二年省義寧

初重置還屬井州貞觀二年改名獲鹿屬恒州

飛龍山在縣南四十五里前趙錄曰王浚遣將祁弘率鮮卑討石勒于飛龍山下勒大敗

葦山今名抱犢山韓信伐趙使輕騎二千人人持一赤幟從間道草山而望後遂改爲葦山後魏葛榮之亂百姓因山抱犢而死故以爲名又云抱犢者古有其名也卽道家謂之北岳佐命是也名山記以爲福地之數云可避兵水也

井陘口今名土門口縣西南十里卽太行八陘之第五

元和郡縣志

卷三

五

陘也四面高中央下似井故名之韓信擊趙欲下井陘成安君陳餘聚兵井陘口號二十萬李左車說餘曰臣聞千里餽糧士有飢色今井陘之道車不得方軌騎不得成列行數百里其勢糧食必在後願足下假臣奇兵三萬從間道絕其輜重足下深溝高壘勿與戰彼前不得鬪退不得還吾奇兵絕其後野無掠擄不至數日兩將之頭可致麾下成安君儒者不從故敗述征記曰其山首自河內有八陘井陘第五四面高中央低似井故名之

鹿泉出井陘口南山下皇唐貴族有土門崔家爲天下甲族今土門諸崔是也源出博陵安平

石邑縣 緊東北至州三十里

本戰國時中山邑也史記趙武靈王攻中山取石邑是也漢于此置石邑縣屬常山郡後漢至隋不改皇朝因之

鹿泉水一名陘水南去縣十里

趙佗墓縣北十三里佗真定人僭號南越帝文帝爲其先人置守冢昆弟在者存問之佗遂釋黃屋左纛而稱

元和郡縣志

卷三

六

臣

房山縣 中東至州八十里

本漢蒲吾縣地屬常山郡隋開皇十六年置房山縣因縣北房山爲名屬井州大業二年廢井州縣屬恒州武德四年又屬井州貞觀十七年又屬恒州其城內實外險一名嘉陽城

房山一名王母山在縣西北五十里漢武帝于此山上立祠今王母觀是也

蒲吾故城在縣東二十里

鼓城縣 中西北至州九十五里

本春秋時鼓子國蓋白狄別種也又漢曲陽縣地左傳曰晉荀吳圍鼓以鼓子鳶鞮歸漢下曲陽屬鉅鹿郡隋開皇六年置昔陽縣十八年改為鼓城縣屬鹿州大業九年改屬高陽郡貞觀元年屬定州大歷三年割屬恒州

滹沱水去縣北十三里

魏收墓在縣北七里後魏北齊貴族諸魏皆此邑人也所云鉅鹿曲陽人者是矣

元和郡縣志

卷三

七

後漢京觀在縣西南七里後漢皇甫嵩攻黃巾賊張角弟寶于下曲陽首虜千餘人築為京觀

冀州 信都上

開元戶九萬四千一百二十 鄉一百八十五  
元和戶八千九百六十七 鄉四十八

禹貢冀州堯所都也虞及三代同為冀州地爾雅曰兩河間曰冀州冀近也兩河之間其氣相近春秋時屬晉七國時屬趙秦屬鉅鹿郡漢高帝分趙鉅鹿立清河信都常山其信都即今州理是也文帝又分立河間廣平二郡景帝改信都為廣川國宣帝復故後漢初王郎僭

號河北悉應光武自薊南行至下博失道有白頭公曰  
努力信都爲長安守光武至信都太守任光果開門出  
迎卽令州理是也明帝更名樂成國安帝更名安平國  
後漢末韓馥爲冀州牧公孫瓚欲襲之袁紹使高韓諷  
馥令以冀州讓紹馥素性怯因然其計馥長史耿武諫  
曰冀州北鄙帶甲百萬穀有十年袁紹孤客窮軍譬如  
嬰兒在股掌之上絕其乳哺立可餓殺奈何以州與之  
馥不從以州與紹紹遂領冀州牧及曹公破紹又理之  
文帝黃初中以鄴爲五都之一始移冀州理信都白石  
元和郡縣志

卷三

八

趙至慕容垂或理鄴或理信都苻堅用王猛爲冀州牧  
鎮鄴後魏冀州亦理于鄴仍于信都爲舊冀州之理置  
長樂郡隋開皇三年罷郡爲冀州太業三年復爲信都  
郡隋末陷賊武德四年討平竇建德改爲冀州

州境

東西二百六十里  
南北二百三十六里

八到

西南取相州路上都一千九百里  
西南至東都一千四百里

北至瀛州二百四十里  
正西微北至趙州一百六十里

西北至深州一百三十里  
東至德州二百一十五里

東北至景州二百一十里  
東北至滄州一百二十里



貢賦開元貢 綿 絹

管縣九

信都 衡水 南宮 武邑 下博 武強

棗強 堂陽 阜城

信都縣望郭下

本漢舊縣屬信都國後漢屬安平國後魏屬長樂郡隋開皇三年屬冀州皇朝因之

衡水亦曰長蘆水即濁漳水之下流也西北去縣六十二里

元和郡縣志 卷三 九

辟陽故城在縣東南三十五里審食其為辟陽侯

煮棗故城在縣東北五十里漢煮棗侯國城六國時于此煮棗油後魏及齊以為故事每煮棗油即于此城

衡水縣上南至州四十里

本漢桃園之地隋開皇十六年于今縣置衡水縣縣在

長蘆河西長蘆河則衡漳故瀆也因以為名

長蘆水縣南二百步

藺相如臺在縣東北十二里

南宮縣望東北至州六十二里

本漢舊縣屬信都國後漢書光武自薊南馳至南宮遇大風雨引入道傍空舍馮異抱薪鄧禹燃火帝對竈燎衣卽此地也後漢屬安平國高齊省隋開皇六年復置南宮縣皇朝因之

絳水故瀆縣東南六里

武邑縣 上西南至州九十里

本漢舊縣屬信都國後漢屬安平國高齊省隋開皇六年復置屬冀州皇朝因之

長蘆水北去縣三十二里

元和郡縣志

卷三

十

觀津城在縣東南二十五里本趙邑也趙孝成王封樂毅于觀津號望諸君又漢景帝母竇太后觀津人也

武强湖在縣北三十二里

下博縣 上南至州一百里

本漢舊縣屬信都國以太山有博縣故此加下字後漢屬安平國後魏屬長樂郡隋開皇三年罷郡屬冀州十年屬深州皇朝因之貞觀十七年改屬冀州

縣貞觀元年屬深州十七年屬冀州先天二年屬深州開元二年還冀州此所志略而未備

下博故城在縣南二十里卽漢光武失道之處也光武

舊唐書下博

自滹沱南出至此失道不知所之遇白衣老父曰努力  
信都為長安守去此八十里從之也

長蘆橋在縣南架長蘆水

武強縣

望西南至州一百三十里

本漢武隧縣地也屬河間國晉于此置武強縣屬武強  
郡高齊改屬長樂郡隋開皇三年改屬冀州貞觀元年  
改屬深州後屬冀州

武隧故城在縣東三十一里秦破趙將扈輒于武隧斬  
首十萬即此也

元和郡縣志

卷三

十一

武強故城在縣西南二十五里漢將嚴不識以擊黥布  
功封武強侯後漢王梁為武強侯

棗強縣

上西北至州六十八里

本漢舊縣屬清河郡高帝以留盼為棗強侯漢書功臣表作疆  
留盼其地棗木強盛故曰棗強後魏屬長樂郡隋開皇  
三年屬冀州皇朝因之

縣外城即姚弋仲之故壘也

棘津故城在縣東北二十七里左傳曰晉荀吳師涉自  
棘津史記曰呂望東海人也老而無遇賣食棘津

堂陽縣 上東至州六十五里

本漢舊縣屬鉅鹿郡在堂水之陽按長蘆水亦謂之堂水在縣南二百步縣因取名後漢屬安平國高齊省隋開皇十六年重置屬冀州皇朝因之

阜城縣 緊西南至州一百四十里

本漢舊縣屬渤海郡後漢屬安平國隋開皇九年改屬觀州大業二年復屬冀州武德四年復屬觀州貞觀十七年廢觀州又隸冀州

苻融壘在縣東北二十四里

元和郡縣志

卷三

三

深州 饒陽上

開元戶四萬二千二百一十五 鄉七十五  
元和戶一萬四千九十七 鄉五十

禹貢冀州之域七國時為趙地秦為鉅鹿郡地漢為饒陽縣地屬涿郡隋開皇十六年于饒陽置深州以州西故深城為名大業二年廢深州武德元年討平竇建德四年復置貞觀十七年又廢先天元年于今理重置

州境 東西九十里 南北一百一十里

八到 西南取趙州路至上都二千五十里  
西南至東都一千三百二十里  
正西微北至恒州一百八十里  
西南至趙州二百里

東北至瀛州一百四十五里

貢賦 開元貢 賦 絹 綿

管縣四

陸澤 鹿城 饒陽 安平

陸澤縣 上郭下

本饒陽陸城二縣地先天元年因置州割二縣置陸澤

縣禹貢大陸既作此縣南三里即大陸之澤因名之

鹿城縣 上東至州二十五里

本漢安定縣地屬鉅鹿郡高齊改曰安國隋開皇三年

元和郡縣志

卷三

三

于此置安定縣取漢舊名屬定州十八年改為鹿城取

縣東故鹿城為名也改屬冀州貞觀元年改屬深州

衡漳水在縣東十里

滹沱河水縣西北四十二里

大陸澤在縣南十里

饒陽縣 望西南至州三十里

本漢舊縣屬涿郡在饒河之陽隋開皇三年改屬定州

十六年屬深州大業二年省深州改屬瀛州武德四年

屬深州

滹沱河北去縣四十五里

州理城晉魯口城也公孫泉叛司馬宣王征之鑿滹沱入泝水以運糧因築此城蓋滹沱有魯沱之名因號魯口後魏道武帝皇始三年車駕幸魯口即此地也

蕪蕪故城在縣東北三十五里隋縣也蓋因東北蕪蕪亭為名

蕪蕪亭在縣東北四十五里後漢光武帝自薊東南馳晨夜至饒陽蕪蕪亭飢甚馮異進豆粥光武帝曰得公孫豆粥飢寒俱解公孫異字也

元和郡縣志

卷三

古

安平縣

上東南至州五十三里

本漢舊縣屬涿郡高帝以鄂千秋為安平侯後漢屬博陵郡案安平縣後漢志屬安平國晉志屬博陵國此有脫誤後魏以來博陵諸崔

即此邑人也隋開皇三年縣屬定州十六年改屬深州

大業二年還屬定州武德四年又屬深州

泝水今名疆河西自定州義豐縣界流入

滹沱河在縣南二十三里

趙州

趙郡望

開元戶五萬一千四百三十  
元和戶八千一百五十七

鄉九十九  
鄉一百一十一

禹貢冀州之域春秋時屬晉戰國時屬趙秦為邯鄲郡地漢為常山郡平棘縣地又為趙國自兩漢及魏皆以封建子弟後魏明帝又于廣阿城置殷州高齊改殷州為趙州因趙國為名隋開皇十六年又于欒城縣置欒州大業二年廢欒州以縣并屬趙州三年以趙州為趙郡武德元年張志昂舉城歸國又改為趙州

州境

東西二百五十里  
南北一百一十七里

八到

西南至上都一千八百九十里  
西南至東都一千三十里

正東微南至冀州一百六十五里  
西踰山至太原府五百六十里

元和郡縣志

卷三十一

五

北至恒州一百里  
東北至棗城縣七十里從縣至定州一百二十里

貢賦

開元貢

賦

絲  
綿  
絹

管縣九

平棘

元氏

臨城

柏鄉

高邑

贊皇

昭慶

寧晉

欒城

平棘縣

上郭下

本春秋時晉棘蒲邑漢文帝三年濟北王興居反遣棘蒲侯柴武擊之武帝時又有平棘侯薛澤為丞相蓋漢初為棘蒲後改為平棘也屬常山郡隋開皇二年改屬

趙州十六年改屬欒州大業二年又屬趙州皇朝因之  
斯洩水縣北三十五里

槐水一名白溝河南去縣二十五里

故欒城縣西北十六里春秋時晉邑

于萬壘縣南一里後漢安帝永初元年以御史任尙討  
羌無功檻車徵還羌遂入侵河內趙魏間百姓相驚北  
軍侯朱寵將五營兵屯孟津詔魏郡趙國常山等繕作  
塢壘六百一十處此卽其一也

李左車墓縣西南七里

元和郡縣志

卷三

六

趙郡李氏舊宅在縣西南二十里卽後漢魏以來山東  
舊族也亦謂之三巷李家云東祖居巷之東南祖居巷  
之南西祖居巷之西亦曰三祖宅巷也三祖李氏亦有  
地屬高邑縣

封斯村者李氏舊坐多在封斯

元氏縣

上東南至州四十九里

本趙公子元之封邑漢于此置元氏縣屬常山郡兩漢  
常山太守皆理于元氏後漢書帝紀云世祖光武皇帝  
建武四年光武北征彭寵陰后從行生孝明帝于元氏



傳舍又云顯宗孝明皇帝永平五年冬十月行幸鄴與趙王相會鄴常山三老言于帝曰上生于元氏願蒙優復詔曰豐沛濟陽受命所由加恩報德適其宜也其復元氏縣田租更賦六歲賜縣掾吏及門闌走卒錢又云肅宗孝章皇帝建初七年九月己酉幸鄴勞賜常山趙國吏人復元氏租賦三歲元和三年二月戊辰進幸中山遣使者祠北岳出長城癸酉還幸元氏祠光武顯宗于縣舍正堂明日又祠顯宗于始生堂皆奏樂復元氏租賦三月丙子詔復元氏七年徭役其兩漢元氏縣在

元和郡縣志

卷三

七

今縣西北十五里故城是也晉屬趙國高齊廢隋開皇六年又置元氏縣屬趙州皇朝因之

飛龍山縣西北三十里前趙錄曰河瑞元年王浚使將祈弘擊鮮卑務塵部十餘萬東討石勒戰于飛龍山勒師大敗

元氏故城在縣西北十五里卽漢之舊縣也兩漢常山太守皆理于此城至隋末爲劉黑闥所破其後移于今所

開業寺在縣西北十五里卽後魏車騎大將軍陝定二

州刺史尚書令司徒公趙郡李徽伯之舊宅也

臨城縣 中東北至州一百里

本戰國時趙房子邑也漢以為縣屬常山郡自漢至隋不改屬趙州皇朝因之天寶元年改名臨城以縣西南十里有古臨城因改名焉

泝水在縣南二里出白土細滑如膏以之濯綿色若霜雪如蜀錦之得江津也故俗稱房子之纊魏都賦曰織纊房子

敦與山在縣西南七十里泝水所出

元和郡縣志

卷三

六

柏鄉縣 上北至州六十一里

本春秋時晉鄙 音呼各反 邑之地漢以為縣屬常山郡後漢

光武帝即位于鄙南千秋亭五城陌因改曰高邑屬常山國高齊天保七年移高邑縣于漢房子縣東北界今高邑縣是也隋開皇十六年于漢鄙城南十八里改置柏鄉縣遙取古柏鄉縣以為名屬欒州大業二年改屬趙州皇朝因之

高邑故城在縣北二十一里本漢鄙縣也

漢世祖廟一名壇亭縣北十四里鄙縣故城南七里即

世祖卽位之千秋亭也後于此立廟故後漢書帝紀云  
肅宗孝章帝元和三年三月丙子詔高邑令祠光武于  
卽位壇是也

高邑縣

上東北至州五十五里

本六國時趙房子邑之地漢以爲縣屬常山郡魏屬趙  
郡高齊天保七年移高邑縣于其縣城東北十五里今  
縣是也隋開皇三年改屬趙州皇朝因之

房子故城在縣西南十五里本漢房子縣也

馮唐墓在縣東北二十八里趙人也

元和郡縣志

卷三

十九

贊皇縣

中東北至州七十里

本漢鄆邑縣之地屬常山郡隋開皇六年于此置贊皇  
縣縣南有贊皇山因以爲名屬樂州大業三年改屬趙  
州皇朝因之

贊皇山縣東南二十六里穆天子傳曰至房子登贊皇  
山

泚水在縣西南三十五里韓信斬陳餘處李左車曰陳  
餘軍敗于鄆下身死于泚水上是也

濟水源出贊皇山西北流去縣南十里此自別是一濟

水應劭以爲四瀆誤也

百陵崗在縣東十里卽趙郡李氏之別業于此崗下也  
崗上亦有李氏塋冢甚多

昭慶縣

望東北至州九十里

本漢廣阿縣屬鉅鹿郡後漢省後魏別置廣阿縣隋仁壽元年改爲象城縣大業二年又改爲大陸縣屬趙州武德四年復改爲象城縣取縣西北古象城爲名天保元年改爲昭慶縣

廣阿澤在縣東二十五里爾雅曰晉有大陸廣阿卽大

元和郡縣志

卷三

三

陸別名淮南子曰鉅鹿大陸廣阿咸一澤也

任敖墓一名七里丘在縣西四里高帝時爲御史大夫封廣阿侯

皇十三代祖宣皇帝建六陵高四丈周迴八十丈

皇十二代祖光皇帝啓運陵高四丈周迴六十步二陵共塋周迴一百五十六步在縣西南二十里

寧晉縣

緊西北至州四十三里

本春秋時晉陽氏邑漢以爲慶陶縣屬鉅鹿郡晉省後魏于此置慶遙縣屬南鉅鹿郡隋開皇六年改爲慶陶

復漢舊名大業二年改屬趙州天保元年改爲靈晉  
樂城縣 中東南至州三十九里

本漢關縣屬常山郡後漢省後魏太和十一年于此置  
樂城縣取平棘縣舊樂城爲名隋屬樂州又改屬趙州  
皇朝因之

斯浚水在縣西北二十里

德州 平原上

開元戶六萬一千七百七十  
元和戶九千三百五十六

鄉一百十六  
鄉二十五

禹貢兗州之域春秋時屬齊戰國時亦爲齊地秦兼天

元和郡縣志

卷三

三

下今州秦之齊郡漢分齊郡置平原郡後漢至晉平原  
爲郡國封建子弟後魏文帝于今州置安德郡隋開皇  
三年改爲德州大業三年罷州爲平原郡隋末陷賊武  
德四年討平竇建德復爲德州

州境 東西一百九十五里  
南北二百一十九里

八到 西南至上都二千五百里  
西南至東都一千七百九十里  
正南渡河至齊州二百四十五里

西南至博州二百六十里  
西南至貝州二百三十里

西至冀州二百一十五里  
正北微東至滄州二百四十里

東北至棗州二百四十里

貢賦

開元貢賦

綾

絹

管縣七

安德 平原 平昌 將陵 安陵 菑

長河

安德縣 緊郭下

本漢舊縣屬平原郡後魏屬安德郡隋開皇三年廢郡改屬冀州九年改屬德州皇朝因之

黃河南去縣十八里

鬲津枯河在縣南七十里禹貢兗州九河既道鬲津即

元和郡縣志

卷三十一

三

九河之二鬲津至徒駭二百餘里今河雖移不離此城也

馬頰河縣南五十里

鹿角故關縣東南七十五里

平原縣

上東北至州四十六里

本漢舊縣屬平原郡後漢屬平原國後魏屬安德郡隋開皇三年罷郡屬冀州九年改屬德州皇朝因之

黃河在縣南五十里

王莽枯河在縣南五里

管輅祠在縣西南一里

平昌縣

上西南至州八十里

本漢舊縣屬平原郡後漢屬平原國隋開皇三年屬滄州十六年改屬德州皇朝因之

馬頰河在縣南十里久視元年開決又名新河

將陵縣

望南至州五十里

本漢安德縣地屬平原郡隋開皇十六年于此置將陵縣取安德縣界故城爲名屬德州皇朝因之

鬲津枯河南去縣二十里

元和郡縣志

卷三

三

王莽枯河西去縣十里

安陵縣

望南至州一百里

本漢菑縣地晉立安陵縣屬渤海郡本菑縣之安陵故以爲名高齊省隋開皇六年重置屬冀州九年立觀州縣屬焉皇朝因之貞觀十七年觀州廢縣割屬德州

菑縣

上東南至州一百二十里

本漢條縣卽條侯國也景帝封周亞夫爲條侯漢條縣屬信都國後漢屬渤海郡晉改條爲脩隋開皇三年廢渤海郡屬冀州五年改脩縣爲菑縣屬觀州皇朝武德

初亦屬觀州貞觀十七年觀州廢改屬德州

長河縣

上東至州五十里

本漢廣川縣地屬信都國後漢屬清河國魏封裴秀為廣川侯高齊省隋開皇六年復置屬冀州九年改屬德州仁壽元年改廣川縣為長河縣皇朝因之

漳水河自貝州漳南縣流入在縣西二十五里

王莽枯河東去縣五里

永濟渠縣西十里

張公故關縣東南七十里

元和郡縣志

卷三

十四

棣州

樂安上

開元戶二萬五千五百四十五  
元和戶五千四百四十七

鄉四十八  
鄉一十七

禹貢青州之域又兗州之域春秋為齊地管仲曰北至于無棣秦并天下為齊郡漢為平原渤海千乘三郡地曹魏屬樂陵國晉石苞為樂陵公是也隋開皇十七年割滄州陽信縣置棣州大業二年廢入滄州武德四年又置棣州六年又廢貞觀十七年又置移于厭次縣即今州理是也天寶元年改為樂安郡乾元元年復為棣

州



州境

東西三百四十九里  
南北一百四十二里

八到

西南至上都二千二百九十里  
西南至東都一千四百二十里  
東南至青州三百二十三里  
西南至德州二百四十里

南至淄州二百一十里

西南渡河至齊州二百五十里

正北微西至滄州二百五十里

東北至大海二百里

貢賦

開元貢  
賦  
絹  
粟  
麥

麥

管縣五

厭次

滴河

渤海

陽信

蒲臺

厭次縣

上郭下

元和郡縣志

卷十一

姜

本漢富平縣屬平原郡後漢更名曰厭次則厭次前已廢矣相傳以秦始皇東遊厭氣至碣石次舍于此因名之高齊省隋開皇十六年重置武德初屬德州貞觀十七年于此置棣州

黃河在縣南三里

滴河在縣南四十里

通海故關在縣西南四十里

滴河縣

中東北至州八十里

本漢枋縣屬平原郡後漢省隋開皇十六年于此置滴

河縣因北有滴河以名之屬滄州貞觀元年屬德州十七年改屬棣州

黃河在縣南八十里

滴河縣北一十五里漢成帝鴻嘉四年河水汎溢爲害河隄都尉許商鑿此河通海故以商字爲名後人加水焉

渤海縣

緊西至州七十里

本漢蒲臺縣地垂拱四年分置渤海縣屬棣州在州東一百一十里天保五年以土地鹹鹵自縣西移四十里元和郡縣志

卷三

三

就李丘村置

大海在縣東一百六十里

陽信縣

望南至州六十里

本漢舊縣屬渤海郡魏屬樂陵國後魏置樂陵郡隋開皇三年罷郡屬滄州十六年于陽信縣置棣州武德六年又置屬滄州貞觀十七年又割屬棣州

鈞般河卽九河之一經縣北四十里

蒲臺縣

緊西北至州七十五里

本漢濕沃縣地屬千乘國宋屬樂陵郡隋開皇三年改

屬滄州十六年改爲蒲臺縣北有蒲臺因爲名也隋末廢武德三年重置八年改屬淄州貞觀十七年置棗州割蒲臺屬焉

海在縣東一百四十里

海畔有一沙阜高一丈周迴二里俗人呼爲鬪口淀是濟水入海之處海潮與濟相觸故名今淀上有甘井可食海潮雖大淀終不沒百姓于其下煮鹽

黃河西南去縣七十三里

蒲臺在縣北三十里秦始皇築此臺以望海于臺下縈

元和郡縣志

卷三

二十七

蒲繫馬今蒲生猶縈結